

**Tajništvo/Sekretarijat**  
Hercegovačko-neretvanska županija Hercegovačko-neretvanski kanton  
Federacija Bosne i Hercegovine  
Bosna i Hercegovina

Dj. broj: 02-04-6826/21-1  
Mostar, 25.05.2021.godine




**STRUČNA SLUŽBA GRADSKOG VIJEĆA**  
N/r tajnice Gradskog Vijeća Marija Soldo

Poštovana,

u privitku Vam dostavljamo odgovore na pitanja vijećnika Stanka Čosića, Adema Macića, Damira Knezovića, nataše Jekić i Tomislava Primorca, podnesena na 5. sjednici Gradskog vijeća Grada Mostara od 11.5.2021.godine.

S poštovanjem!



**GLAVNA SAVJETNICA**

*Radmila Komadina*  
**Radmila Komadina**

Dostaviti:

1. Naslovu
2. Tajništvu Gradonačelnika
3. Arhiva

**BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
GRAD MOSTAR**


**Odjel za organizaciju, pravne poslove, opću upravu,  
civilnu zaštitu i vatrogastvo**

Broj: 04-04-6826/21-1  
Mostar, 24.05.2021.godine

**SEKRETARIJAT GRADONAČELNIKA**

**PREDMET:** Odgovori na vijećnička pitanja

U prilogu dostavljam odgovore na vijećnička pitanja Stanka Ćosića, Adema Macića, Damira Knezovića, Nataše Jekić, Tomislava Primorca.



**Načelnik Odjela**

**Predrag Šupljeglav**

**Dostaviti:**

1. Naslovu
2. a/a

Bosna i Hercegovina  
Federacija Bosne i Hercegovine  
Hercegovačko-neretvanski kanton

**GRAD MOSTAR**

**Odjel za organizaciju, pravne poslove, opću upravu, civilnu zaštitu i vatrogastvo**  
**Odsjek za zaštitu od požara**

**Predmet:** Odgovor na Vijećničko pitanje gosp. Tomislava Primorca postavljeno na V sjednici Gradskog vijeća koja je održana 11.05.2021.g

Pitanje je bilo vezano o nedostatku opreme u hidrantskim ormarićima u stambenim zgradama i upitan je protok vode u istim.

Za nabavku i održavanje protupožarne opreme je odgovoran vlasnik, odnosno korisnik imovine kada se radi o privatnom vlasništvu .

**Obrazloženje :**

Članak 2. stavak (1) točka 26) Zakona o zaštiti od požara i vatrogastvu („Službene novine Federacije BiH“, broj 64/09 glasi:

Odgovorno lice za organiziranje zaštite od požara je:

- vlasnik, odnosno korisnik imovine kada se radi o privatnom vlasništvu,
- rukovodilac organa uprave, upravne organizacije i drugog državnog organa Federacije, kantona, grada i općine (u daljnjem tekstu: državni organi),
- direktor odnosno drugo odgovorno lice u privrednom društvu i drugom pravnom licu (u daljnjem tekstu: pravno lice), određeno općim aktom pravnog lica;

Članak 20. stavak(4)

Zaštitu od požara dužni su da organiziraju i provode i građani u svojim stanovima i stambenim zgradama (kućama) i drugim objektima i prostorima koje koriste za svoje potrebe.

**Održavanje i ispitivanje aparata za gašenje početnih požara**

Članak 39.

Korisnici aparata za gašenje početnih požara dužni su da osiguraju njihovo održavanje i ispitivanje ispravnosti i funkcionalnosti, u skladu sa propisima o tehničkim normativima i standardima koji se odnose na ta pitanja i uputstvom proizvođača, odnosno najmanje **jednom u šest mjeseci** ako takvo uputstvo ne postoji.

## **Održavanje u ispravnom stanju i kontrola ispravnosti uređaja za dojavu i gašenje požara**

Članak 48.

Vlasnik ili korisnik građevine u kojoj je ugrađen sistem za dojavu (vatrodojava) i gašenje požara (hidrantska mreža) dužan je osigurati njihovo redovno ispitivanje ispravnosti i funkcionalnosti prema ovom zakonu, tehničkim propisima i uputstvima proizvođača, koji se odnose na ta pitanja, a najmanje **dva puta godišnje**, o čemu mora voditi evidenciju i posjedovati dokumentaciju.

### **Protočni kapacitet i pritisak vode u hidrantskoj mreži**

Članak 49.

Javno poduzeće ili drugo pravno lice koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati propisani protočni kapacitet i pritisak vode u hidrantskoj odnosno vodovodnoj mreži za potrebe gašenja požara.

Javna poduzeća ili druga pravna lica dužna su stalno održavati u ispravnom stanju hidrantsku mrežu iz stava 1. ovog člana, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu.

Vlasnici građevina i prostora i upravitelji stambenih objekata u kojima je po projektnoj dokumentaciji predviđena i ugrađena unutrašnja i vanjska hidrantska mreža dužni su je stalno održavati u ispravnom stanju, baš kao i vodovodnu mrežu u tim objektima i redovno vršiti kontrolu ispravnosti te mreže, o čemu vode odgovarajuću evidenciju.

***Služba civilne zaštite i vatrogastva Grada Mostara ima odobrenje od nadležnih institucija da obavlja poslove ispitivanja hidrantske mreže i servisiranja vatrogasnih aparata po cijenama utvrđenim u cjenovniku Službe.***

Može se uputiti inicijativa prema Gradskom vijeću da se u proračunu Grada predvide određena sredstva kojima bi se sufinancirala nabavka ove opreme u prvom redu za stambene objekte koji spadaju u kategoriju visokih objekata. Tako bi se ujedno vršila i promidžba preventivnih mjera zaštite od požara Grada.

**Šef Odsjeka**

Marinka Majstorović

Bosna i Hercegovina  
Federacija Bosne i Hercegovine  
Hercegovačko-neretvanski kanton

**GRAD MOSTAR**

**Odjel za organizaciju, pravne poslove, opću upravu, civilnu zaštitu i vatrogastvo**

**Predmet:** odgovor na vijećničko pitanje, vijećnik Adem Macić, dostavlja se

Vezano za inicijativu vijećnika Macić Adema, dostavljamo sljedeću informaciju:

Popunjavanje radnih mjesta namještenika u gradskoj administraciji se vrši u skladu s odredbama važećeg Zakona o namještenicima. Imajući u vidu činjenicu da je više mjesta upražnjeno, potrebno je sačiniti analizu i pokrenutu procedure popunjavanja istih, a do tada će se unutrašnjom preraspodjelom privremeno riješiti navedeni problem, kako bi se obezbijedio kontinuitet u poslovanju.

S poštovanjem,

**Šef Službe**

**Azra Batlak**



**Odjel za organizaciju, pravne poslove, opću upravu, civilnu zaštitu i vatrogastvo**  
Bosna i Hercegovina  
Federacija Bosne i Hercegovine  
Hercegovačko-neretvanski kanton-županija

---

***ODSJEK CIVILNE ZAŠTITE***

**PREDMET:Odgovor na vijećničko pitanje, dostavlja se.-**

Povodom vijećničkog pitanja gosp. Damira Knezovića od 11.5.2021. god a koje se odnosi na stanje imenovanih povjerenika civilne zaštite u Gradu Mostaru i stanju popunjenosti i opremljenosti jedinice opće namjene civilne zaštite, dostavljamo sljedeću informaciju:

Na području Grada Mostara ima trinaest povjerenika civilne zaštite.

Jedinica opće namjene civilne zaštite broji 142 pripadnika i raspoređeni su u četiri voda, te opremljeni po pravilniku o odjeći i obući, oznakama specijalnosti, zapovjednih dužnosti i upotrebi znaka civilne zaštite.

**ŠEF ODSJEKA CZ**

dipl. ecc Slavica Aničić

Bosna i Hercegovina  
Federacija Bosne i Hercegovine  
Hercegovačko-neretvanski kanton

**GRAD MOSTAR**

**Odjel za organizaciju, pravne poslove, opću upravu, civilnu zaštitu i vatrogastvo**

**Predmet:** odgovor na vijećničko pitanje, vijećnik Nataša Jekić, dostavlja se

Vezano za inicijativu vijećnika Jekić Nataše, dostavljamo sljedeću informaciju:


Civilne žrtve rata su i dosadašnjim odlukama o administrativnim taksama bile u grupi subjekata koja se oslobođena plaćanja administrativnih taksi za izdavanje izvoda iz matičnih evidencija.

Također i novom odlukom o administrativnim taksama s Tarifom gradskih taksi isto je predviđeno.

S poštovanjem,

**Šef Službe**

**Azra Batlak**



Bosna i Hercegovina  
Federacija Bosne i Hercegovine  
Hercegovačko-neretvanski kanton-županija  
Odjel za organizaciju, pravne poslove, opću upravu, civilnu zaštitu i vatrogastvo  
Profesionalna vatrogasna postrojba – jedinica PVP/J

**Predmet:** Odgovor na Vijećničko pitanje koje je postavio vijećnik Stanko Ćosić

Prije svega zahvala za interesiranje o uvjetima i načinu rada u Profesionalnoj vatrogasnoj postrojbi Mostar (PVP).

Problemi koji se moraju rješavati da bi PVP bila u stanju na zadovoljavajući način raditi svoj odgovoran i zahtjevan posao su mnogobrojni. Neke od njih ste naveli u Vašem pitanju, pa ću samo na njih i odgovoriti.

1. Neredoviti zdravstveni pregledi.

Prema članku 109. Zakona o zaštiti od požara i vatrogastva (Zakon) „Profesionalni vatrogasci i zapovjednici vatrogasnih postrojbi podliježu obaveznoj provjeri zdravstvene i psihofizičke sposobnosti jednom u dvije godine.“

Zadnja takva provjera za PVP je rađena 12.5.2017.god. znači ponovo je trebalo uraditi u 2019. godini.

Provjera zdravstvene i psihofizičke sposobnosti nije urađena do danas iako je PVP svake godine u Planu potrošnje vatrogasnih sredstava, planirala novac potreban za ovu provjeru. Razlozi ne provođenja natječaja su da Grad Mostar treba odlučiti dali će svi uposlenici raditi provjeru zdravstvene i psihofizičke sposobnosti, koje institucije će to raditi, kojom vrstom natječaja, corona virus i sl.

Napominjem da smo i 2015 godine imali provjeru zdravstvene i psihofizičke sposobnosti, koja se izvršila bez ikakvih problema (kao i 2017.god.) u dva Doma zdravlja u Mostaru.

2. Nedostatak identifikacijskog dokumenta.

Prema članku 73. Zakona „Profesionalni vatrogasci u vatrogasnim postrojbama dužni su nositi službenu iskaznicu za vrijeme vatrogasne intervencije i za vrijeme obavljanja dužnosti.“

Pretpostavljam da ste mislili na službenu iskaznicu kada ste naveli problem nepostojanje identifikacijskog dokumenta.

U istom članku, stavak 2. stoji „Oblik i sadržaj službene iskaznice propisuje Federalna uprava civilne zaštite.“ Mi nikada nismo dobili niti od Federalne niti od Županijske uprave civilne zaštite oblik i sadržaj iskaznice. Obzirom da je to službeni dokument nismo sami radili iskaznicu.

3. Neredoviti tehnički pregled vozila.

Već dulje vrijeme nemamo problema sa tehničkim pregledima i registracijom vozila.

Problemi su bili prije više godina kada jedno vrijeme nije bio usvojen proračun Grada Mostara i onda se kasnilo sa plaćanjem tehničkih pregleda. Iz tog razloga su firme koje rade registracije vozila za Grad Mostar bile obustavile registracije.

4. Nedostatak adekvatne opreme posebice prilikom gašenja požara.

Iako je PVP u posljednjih 5 godina napravljen ogroman napredak u nabavci vatrogasnih vozila, sprava i opreme te osobne i skupne zaštitne opreme još uvijek nismo na zadovoljavajućoj razini glede svega navedenog.

Od vatrogasnih vozila veliki problem su vatrogasne cisterne. U ispostavi Sjeverni logor ima samo jedna cisterna 1989.godište, ostale cisterne u PVP su iz 1983. i 1986. godine.

Navedena vozila su u izuzetnom lošem stanju, ograničenih mogućnosti i podložne čestim kvarovima koji se teško otklanjaju zbog nedostatka dijelova. Do kraja ove godine trebaju biti napravljene tri vatrogasne cisterne koje će uvelike poboljšati sadašnje teško stanje.

Ono što je neophodno za PVP je vatrogasno vozilo za gašenje i spašavanje s visine. Mi jednostavno nemamo mogućnosti spasiti nesrećenog s visine što realno može dovesti do tragičnih posljedica.

Vatrogasne sprave i oprema (vatrogasne cijevi, aramtore za vodu i pjenu, vatrogasne pumpe, aparati za gašenje požara i sl.) su na zadovoljavajućoj razini uz stalnu potrebu za obnavljanjem i popunjavanjem.

Zaštitna oprema osobna (zaštitna odjeća i obuća, vatrogasna kaciga, penjački opasač, zaštitna maska i sl.) i skupna (aparati za zaštitu dišnih organa, zaštitna odjeća i obuća, vatrogasna kaciga, penjački opasač, zaštitna maska, eksploziometar i sl.) je popunjena u osnovnom segmentu. ali još uvijek dosta toga nedostaje. Potrebno je stalno obnavljanje opreme kojoj istječe rok trajanja i u isto vrijeme nabavljanje onoga što nedostaje.

U tijeku je natječaj za vatrogasne radne cipele i za vatrogasne kacige za požare otvorenog prostora.

5. Nedostatak radne snage

Na početku 2021. PVP-J je bila popunjena prema sistematizaciju radnih mjesta. Sada nam nedostaje 6 djelatnika (jedan djelatnik je preminuo, a ostali idu u mirovinu).

Očekujemo da će Grad Mostar raspisati natječaj za popunu ovih radnih mjesta, kao što je to rađeno i do sada u sličnim situacijama.

Osim toga Grad Mostar svake godine, očekujemo tako i ove godine, u ljetnom periodu kada je povećan broj požara na otvorenom prostoru, primi određeni broj sezonskih djelatnika, bez kojih PVP-J ne bi mogla kvalitetno odgovoriti na sve obaveze.

Potrebno je temeljem Procjene ugroženosti od požara i Plana zaštite od požara, uraditi novu sistematizaciju radnih mjesta u PVP-J. Tada bi se pokazala stvarna potreba i za broj djelatnika i za materijalno-tehničku formaciju postrojbe.

Zapovjednik PVP/J

Petar Jurić dipl.ing.str.